

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA SREBRENİK
Služba za boračko-invalidsku zaštitu i društvene djelatnosti

Broj: 09-49-sl/16.

Dana: 04.04.2016. godine

Na osnovu Odluke Općinskog vijeća općine Srebrenik o obavljanju volonterskog rada nezaposlenih osoba sa visokom i višom stručnom spremom broj: 01-85/10 od 27.02.2010. godine („Sl. glasnik općine Srebrenik“, broj: 1/10) i Odluke o izmjenama i dopunama Odluke o obavljanju volonterskog rada nezaposlenih osoba sa visokom i višom stručnom spremom broj: 01-409/11 od 18.05.2011. godine, Služba za boračko-invalidsku zaštitu i društvene djelatnosti raspisuje:

JAVNI POZIV za angažovanje volontera u pravnim subjektima na području općine Srebrenik

Pozivaju se lica sa završenom visokom i višom stručnom spremom sa područja općine Srebrenik da se prijave za stručno osposobljavanje - rad na određeno vrijeme (volonterski rad). Stručno osposobljavanje lica na stručnom osposobljavanju trajat će 12 mjeseci odnosno u onom vremenu koliko je to regulisano pozitivnim zakonskim propisima za obavljanje stručnog osposobljavanja za lica sa završenom visokom i višom stručnom spremom, a pravo prijave na Javni poziv imaju kandidati koji nemaju radno iskustvo potrebno za polaganje stručnog ispita u oblastima u kojima je stručni ispit ili radno iskustvo zakonom ili pravilnikom o radu predviđeno kao uslov za obavljanje poslova određenog zanimanja.

Odabrani kandidati će stručno osposobljavanje obavljati u jednom od pravnih subjekata na području općine Srebrenik, bez zasnivanja radnog odnosa u vremenu iskazanom od strane pravnog subjekta.

Uz prijavu na javni oglas potrebno je dostaviti sledeću dokumentaciju (u originalu ili ovjerena fotokopija):

1. Univerzitetska diploma ili uvjerenje o diplomiranju,
2. Uvjerenje o prebivalištu (CIPS prijava),
3. Uvjerenje da se lice nalazi na evidenciji zavoda za zapošljavanje (nakon sticanja visoke ili više stručne spreme) i
4. Dokaz o pripadnosti porodicama boračkih kategorija, te porodica korisnika stalne socijalne pomoći.

Licima na stručnom osposobljavanju za vrijeme stručnog osposobljavanja ne pripada naknada za rad.

Sa odabranim kandidatima potpisati će se poseban Ugovor o obavljanju stručnog osposobljavanja u kome će se odrediti prava i obaveze volontera i pravnog subjekta u kome se obavlja stručno osposobljavanje, a raspored lica na stručnom osposobljavanju u pravne subjekte vršiti će se prema iskazanim potrebama pravnih subjekata prema određenim zanimanjima. **Ukoliko se svim prijavljenim licima za stručno osposobljavanje ne uspije obezbijediti raspored u neki od pravnih subjekata, ili oni sami ne obezbijede pravni subjekt u kojem će obavljati stručno osposobljavanje, njihovo stručno osposobljavanje se odlaže do novog javnog poziva.**

Oglas ostaje otvoren 15 dana od dana njegovog objavljivanja.

Nepotpune i neblagovremene prijave neće se razmatrati, a učesnici oglasa bit će obaviješteni o rezultatima oglasa.

Prijave na javni poziv sa dokumentacijom slati poštom preporučeno, ili dostaviti neposredno prijemnoj kancelariji (pisarnici općine) sa naznakom „Za javni poziv za angažovanje volontera“, na adresu Služba za boračko-invalidsku zaštitu i društvene djelatnosti Srebrenik, Ul. Varoških polja bb, 75350 Srebrenik.

ŠEF SLUŽBE:

Jašarević Muhamed, dipl. kriminalist